

MŪN KŌPPĀD EO, PART 2

Kōttōpar ko an katak in:

- Kwaļok bwe ewor meļeļein aolep men ko ilo mŭn kōppād eo.
- Kwaļok bwe jerōwiwi an armej ej kōjepel er jān Anij.
- Kwaļok bwe Anij e kōṇaan bwe jen kōmṁao Ippān.
- Kwaļok bwe unin an Anij maroñ tūriaṁokake kōj ej kōn bōtōktōkin Jisōs.

Meļeļe ko reļap ilo katak in:

- Jen lo bwe Anij ej letok bwijen wan joñak kōn jermal an Jisōs Kraist.
- Jen lo bwe je maroñ kepaak Anij ilo wāween An ba wōt.
- Jen lo bwe kien ej liaakļok kōj, ak Anij e kōṇaan tūriaṁokake kōj.
- Jen lo bwe bōtōktōkin Jisōs ej unin an Anij maroñ tūriaṁokake kōj.

Jān jinoin an Anij kōmānṁan laļ in lik tak, Anij ear kōṇaan kōmṁao ippān armej. Kōn an armej kālōt jerōwiwi, raar jepel jān Anij. Anij e kōṇaan wōt kōmṁao ipped, im Ear kapoje juon iaļ bwe jen maroñ in erreo jān jerōwiwi ko ad im bar jokwe Ippān. Anij ear kōmānṁan kōj. Bōtab jaar jerōwiwi ṇae juon Anij e kwōjarjar otem kwōjarjar. Kōn men in, ejjeļok ad pepe kōn wāween ad kabuñ ṇan E. Ejjeļok ad maroñ bwe jen erreo jān jerōwiwi ko ad im jermal ṇan E. Anij wōt e maroñ lōmoṁoren kōj. Ilo An leļok mŭn kōppād eo ṇan ri Ju ro, Ear katakin er im kōj kōn wāween ad maroñ jimwe Ippān.

1. Katiin eo




Exodus 26:31-33 Kwōn kōmṁane juon nuknuk jān blue, piolōt, būrōrō, im linen aidik iden. Ri jermal ro re kapeel ren kōmṁan annaṇin kerub ko ilo er. [32] Im kwōn katotouk e kōn kāāj ko kōmṁan jān gold ilo emān joor ko eṁōj ṇa kileir kōn gold im kajutaki ilo loñtak ko kōmṁan jān silver. [33] Kwōn katotouk katiin eo kōn kāāj ko im likūt tōptōp in kallimur ilowaan. Im katiin in enaaj kōjepel ikōtan jikin kwōjarjar eo im jikin kwōjarjar otem kwōjarjar.

* **Armej rej ri jerōwiwi. Ej aikuj Anij bwe e jab maroñ make lōmoṁoren e.**

* **Anij e kwōjarjar im wānōk. Ej ba bwe ro rej jerōwiwi rej aikuj in mej.**

Anij ear ba ṇan Moses bwe ren kōmṁan juon katiin e mijel im aiboojoj. Ren totouk e bwe en kōjepel ruuṁ eo e kwōjarjar otem kwōjarjar jān ruuṁ eo e kwōjarjar. Etke rej kōmṁan men in? Etke e jab peļļok aolepen mweo bwe pris ro rej jermal ren lale tōptōp eo im kōdō eo me ej kwaļok aiboojoj an Anij? Kōnke Anij e kwōjarjar, im jerōwiwi ko an armej rej kōjepel er jān E. Men in en kakememej ro ri Israel bwe re jab maroñ make kepaak Anij, bwe E kwōjarjar.



Ta eo ear waļok ṇan katiin in (jet iien rej ba ‘rōñel’ in) ke Jisōs ear mej ion debwāal?



Mark 15:38 Im rōñel in tempel e potak im ruo ṁōttan, jān lōñ ñan laḷ.

Ear potak katiin eo. Men in ear waḷok kōnke, ke Jisōs ear mej, eṁōj kōḷḷā oṅean jerōwiwi ko ad. Kiiō, kōn wōt jermal an Jisōs, je maroñ kepaak Anij. Je jab jepel jān E. Eṁōj kōḷḷaajrak kōj ñan Anij.




2 Korint 5:18 A men otemjej rej jān Anij, eo Ear kōḷḷaajrak kōj ñan E kōn Kraist, im ear letok ñan kōm jermal in kōḷḷaajrak.

Ejjeḷok ad aikuj juon pris kiiō bwe jen kepaak Anij. Je maroñ kepaak Anij kōnke e jako ruōd.

2. Tebōḷ in pilawā.



Exodus 25:23, 30 Im kwōn kōṁṁmani juon tebōḷ jān wōjke akesia: aetokōn 36 inch, im depakpakin 18 inch, im utiejen 27 inch. [30] Im kwōn likūt pilawā in Aō pād ioon tebōḷ eo Iṁaō iien otemjej.



* Armej rej aikuj Anij.


Tebōḷ in ear pād ilo ruuṁ eo e kilep - ruuṁ eo e kwōjarjar. Aolep Jabōt, pris ro raar kōmat 12 loaf in pilawā im likūti ioon tebōḷ eo. Raar bōkḷok men ko jān wiik eo ṁokta im kañi. E mo an armej ro jet ṁōñā. Pris ro wōt raar maroñ in ṁōñā. Anij aer ṅa etan pilawā eo, “pilawā in Aō pād,” kōnke ej kein kakemejej Israel bwe Ej pād ippaer im lale er iien otemjej. Etke ear wor 12 pilawā? Kōnke ear wor 12 bwij in Israel. Ak ewi meḷeḷein pilawā kein?



Jon 6:35 Im Jisōs ej ba ñan er, “Ña pilawā in mour; eo ej itok ñan Eō e jāmin kwōle; im eo ej lōke Eō e jāmin maro indeeo.”

Pilawā kein raar jutak kōn Jisōs ke Ej oṅake aikuj eo ad im letok mour. Eḷaññe je jab ṁōñā, jenaaj mej. Ñe jej ṁōñā, je maroñ mour. Mour indeeo ej itok jān Jisōs im E wōt. Aolep ad jermal im jañ im kabuñ re ban juḷok nana ko ad. Jisōs, kōn An kar mej im kōḷḷā oṅean nana ko ad, E wōt e maroñ letok mour.

3. Jikin lamp.



Exodus 25:31 Im kwōn kōṁṁmani jikin lamp jān gold erreō; kwōn kōṁṁmane jān gold eṁōj noe, aet ḷoñtōn im jurōn; kab ko an, ut ko an, im ebbōl ko jān juon wōt ṁōttan.

Jikin lamp in ear aiboojoj. Ear kōṁṁman jān gold, im ear wor 7 mweñan. Ilo Bible, jet iien numba 7 ej jutak kōn weppān. Jikin lamp in ear barāinwōt pād ilo ruuṁ eo eḷap. Raar likūti 7 lamp ko ioon men eo bwe en kwaḷok meram ilowaan ṁweo.



Jon 8:12 Innām Jisōs e bar kōnono ñan er im ba, “Ña, meram in laḷ; eo ej ḷoor Eō e jāmin etal ilo marok, a enaaj an meram in mour.”


Jikin lamp in ear barāinwōt jutak kōn Jisōs. Jisōs ej letok meram ñan kōj bwe jen jeḷā iaḷ eo ñan Anij. Ejjeḷok jeḷā jān kabuñ ko ak armej ro jet. Jisōs wōt ej kwaḷok iaḷ ñan Anij. Ñe jej ḷoor E, je ban pād

ilo marok.

4. Lokatok in kaijurjur.



Exodus 30:1, 2 Im kwōn kōmmanman juon lokatok ñan tile kaijurjur ioon; kwōn kōmmane jān wōjke akesia. Aetokōn en 18 inch, im depakpakin 18 inch; en aetokōn im depakpakin wōt juon, im utiejen en 3 ne; doon ko an ren mōttan wōt.



Lokatok in ear barāinwōt pād ilo ruum eo eļap. Aolep raan, Aron im ro nejin raar tile kaijurjur ioon. Etke raar kōmman men in? Kaijurjur eo ear juon men e bwin ñaj ke raar tile. Men in ear juon wan joñak kōn jar ko an armej ñan Anij.



Sam 141:2 Aō jar en āinwōt kaijurjur imam; aō kotake peiō en āinwōt men in katok ke e jota.

Anij e mōñōñō ñe armej rej kōnono ñan E. Aer jar e ban lōmōoren er. Re jepel jān Anij kōn nana ko aer, im mae iien ewor kōllaajrak kōn bōtōktōken Jisōs, Anij e ban roñ aer jar (Ais. 59:2). Anij e jouj ilo An roñjake ñan jar ko ad.

5. Jāpe in amwin.



Exodus 30:18, 21 Kwōn kōmmanman jāpe bronze eļap, jāpe in amwin, im neen barāinwōt jān bronze, kein amwin. Im kwōn likūt e ikōtan mōn kweilok im lokatok eo, im kwōn likūt dān ilowaan. [21] Āindein ren amwin peir im kwaļ neir bwe ren jab mej, im enaaj juon kien indeeo ñan er, aet ñan e im inen ilo epepen ko aer.




Jāpe in ear nabōj in mweo, ak ear lowaan oror eo im epaak ñan mweo. Dān eo ear maroñ karreo neir im peir, ak ear jab maroñ karreoik aer. Anij ear letok men in bwe en juon wan joñak im kein katakin armej bwe rej aikuļ erreo eļaññe ren kepaak Anij. Wāween de in bwe jen erreo ej bwe bōtōktōken Kra-ist en kōllā oņean ad nana.

6. Lokatok in katok.



Exodus 27:1,2 Im kwōn kōmmane lokatok eo jān wōjke akesia, aetoken en jiljilimjuon jimattan ne, im depakpakin en jiljilimjuon jimattan ne. Aetokōn im depakpakin ren joñan wōt juon, im utiejen en emān jimattan ne. Im kwōn kōmman doon ko an ña ioon kona ko emān; doon ko an ren mōttan wōt lokatok eo, im kwōn ña kilin kōn bronze.



Lokatok in ear jab pād ilo mōn kōppād eo. Ear pād nabōj, ak ear lowaan oror eo. Men in e bwe an kilep, im raar kajerbal e ñan katok kake sip, got, im kau ko. Ke juon armej ear jerōwiwi, ear bōktok juon sip ñan pris eo. Armej eo ear likūt pein ioon bōran sip eo im kwaļok bōd ko an, im ej āinwōt ear leļok ruōn ñan sip eo. Innām pris eo ear mwijit kenwaan sip eo im katōrļok bōtōktōken. Innām pris

eo ear tile ioon lokatok eo. Ear wor elōñ kain katok, im jet iien raar tile aolepen menninmour eo, im jet iien mōttan wōt. Etke raar katok kōn menninmour? Kōnke Anij ear kōṇaan kakememej er bwe oṇean jerōwiwi mej. Ke juon armej ear errā ippān Anij bwe e juon ri nana, im bwe ekkar bwe en mej kōn nana ko an, ilo tōmak ear bōktok juon sip ak goat ilo wāween in.



Jon 1:29 Raan eo ilju Jon ej lo Jisōs itok ñan ippān im ba, “Lo, Lamb an Anij, Eo ej bōkḷok an laḷ jerōwiwi!”

Etke Jon ear ba bwe Jisōs, Lamb an Anij? Kōnke Jisōs ear mej kōn kōj bwe en tōprak kaje eo ad. Ear bōk jikōd ke Ear mej kōn nana ko ad. Unin ad jab katok kōn menninmour kiiō ej kōnke emōj kōllā oṇean nana ko ad. Ilo mool, bōtōktōken sip im kau ko raar jab kōllā oṇean jerōwiwi ko an armej. Raar jab maroñ kōnke raar menninmour wōt.



Hibru 10:4 Bwe bōtōktōkin kau koṃaan im got ko e ban jeorḷok jerōwiwi ko.

- Jar an juon ri kaki e jab karreoik kōj.
- Ad jar e jab karreoik kōj.
- Ad joḷok ad nana e ban karreoik kōj.
- Ad jermal ñan Anij e ban karreoik kōj.
- Bōtōktōkin Jisōs wōt ej karreoik kōj.



I Jon 1:7 A eḷaññe jej etetal ilo meram, ainwōt Ej ilo meram, jej kōmṃao ippān doon, im bōtōktōkin Jisōs Nejin, ej karreoik kōj jān jerōwiwi otemjej.

Jisōs ear mej juon wōt katen, im men in e bwe ñan aolep armej. Mej eo An e maroñ kōmṃan bwe jen weepṃan imaan mejān Anij.



Hibru 10:14 Bwe kōn juon men in katok Ear koweepṃan indeeo ro im Ej kokwōjarjar er.

7. Pris ro an Anij.



Exodus 28:1 Im kwe, kwōn karuwaakwōj ñan ippam Aron jeōm, im ḷōmaro nejin ippān, jān bwiljin ro nejin Israel, bwe en karijer ñan Eō ilo jermal an pris, aet, Aron, Nedab im Ebaihu, Iliezar, im Itamar, ro nejin Aron.

Meñe Anij ear kōṇaan jokwe ippān ri Ju ro, Ear jab kōtḷok bwe jabdewōt armej en deḷoñ ilowaan mōn kōppād eo. Pris ro wōt raar maroñ deḷoñ ilowaan mōn kōppād eo.



Bōnbōn 3:10 Im kwōn bwini Aron im ro nejin, im ren lale aer jermal in pris, im eo e jab pris eo ej ruwaaktok, en mej.

Jeova Anij ear ba ta? Juon eo e jab juon pris en mej eḷaññe ej kajjioñ in kepaak E. Etke Anij ear kakien rot in? Kōnke E kōṇaan katakin ri Ju bwe E kwōjarjar. E kōṇaan barāinwōt kakeememej er bwe er ri jerōwiwi im e tōllōkeir ñan mej. Pris wōt re maroñ deḷoñ ilo jikin kwōjarjar eo, im pris eo eḷap wōt e maroñ deḷoñ ilo ruum e kwōjarjar otem kwōjarjar. Im ear maroñ deḷoñ juon wōt alen ilo juon year.



Levitikus 16:2,3 Im Jeova ear ba ñan Moses, “Kwōn ba ñan Aron, jeōm, bwe en jab itok

iien ko otemjej ilowaan jikin kwōjarjar, ilowaan katiin eo imaan jikin tūriaṃo eo ej pād ioon tōptōp eo, bwe en jab mej. Bwe Inaaj waḷok ilo kōdo eo ioon jikin tūriaṃo. Men kein ren ippān Aron ñe ej deḷoñ ilowaan jikin kwōjarjar: juon kau koṃaan eṃman rūttōn men in katok kōn jerōwiwi, im juon sip koṃaan, men in katok kijeek.”

Ke Aron (pris eo eḷap ilo tōr eo) ear deḷoñ, ear aikuḷ in ṃokta ṃan juon kau koṃaan ṃokta im bōk bōtōktōkin ilo juon jāpe. Ke ear deḷoñ ilo ruuṃ eo e kwōjarjar otem kwōjarjar, ear wūtdikdike jikin tūriaṃo eo kōn bōtōktōk.

Eḷaññe ear kōṃṃan aolep men ko ilo wāween an Anij kar ba, innām Anij enaaj juḷok jerōwiwi ko an Israel kōn year eo. Ilo ṃool, bōtōktōkin menninmour ear jab maroñ joḷok aer bōd. Unin an Anij maroñ joḷok aer nana ke Ear lo aer tōmak E, ej kōnke Anij ear jeḷā bwe juon raan Jisōs Kraist enaaj itok, im Enaaj ṃool in kōḷḷā oṃean nana ko aer kōn An mej ilo jikier.

8. Jisōs Kraist ej Pris eo Eḷap im Men in Katok eo Eḷap.



Hibru 9:11,12 A ke Kraist ear itok āinwōt Pris eḷap ñan men ko reṃman renaaj itok, kōn imōn kōppād eḷapḷok im weppānḷok, jab kōṃṃane kōn pein armej, āinwōt ba, jab jān men in kōṃanṃan in, im jab kōn bōtōktōkin got ko im koon kau ko, a kōn bōtōktōkin make eṃōj An deḷoñ juon wōt katen ilowaan jikin kwōjarjar eo, im jibadek ḷoṃoṃor indeeo.

Joñan ad nana je jab maroñ kepaakḷok Anij. Jej aikuje juon ad ri jojomaar, ak ilo bar juon wāween ba, juon ri kōḷḷaajrak. Ilo Kallimur ṃokta, pris eo ear juon ri jojomaar ñan ro ri Israel. Ear jutak imaan mejān Anij ilo etan aolep ri Ju ro. Joñan an ettoon ri Ju ro, raar jab maroñ make kepaakḷok Anij. Joñan aṃ nana, kwō jab maroñ make kepaakḷok Anij. Kwōj aikuje juon ri jojomaar ak juon ri kōḷḷaajrak. Jisōs ej ri jojomaar eo. Ej Pris eo eḷap. Ej jutak imaan mejān Anij im akweḷap kōn kōj.

- Pris eo eḷap an Israel ear deḷoñ kōn bōtōktōken juon menninmour. Bōtab Jisōs ear deḷoñ kōn bōtōktōken make.
- Pris eo an Israel ear aikuḷ deḷoñ ilo jikin kwōjarjar otem kwōjarjar year otemjej, kōnke ear jab weppān im men in katok eo an ear jab weppān. Jisōs ear deḷoñ juon wōt katen, bwe ear weppān jermal eo An.

Eḷaññe kwōj tōmak bwe kwōj aikuḷ tiljek ñan jeṃḷoken bwe Anij en kawānōk yuk im ḷoṃoṃoren yuk, innām kwō jab tōmak bwe e weppān im bwe mej eo an Jisōs. Waan joñak in kōn jermal an pris im men in katok eo ej kwaḷok ñan kōj bwe elōñ juon wōt iaḷ ñan Anij - bōtōktōken Jisōs Kraist.



Hibru 9:28 Innām Kraist barāinwōt, ke eṃōj An katok kōn E juon wōt alen bwe En bōk ḷok jerōwiwi ko an armej, Enaaj weaaktok, alen kein ka ruo, jab bwe En joḷok jerōwiwi, ak ej bwe En ḷoṃoṃoren ro rej kattar E.

Kajjitōk ko

1. Etke ear wor juon katiin ilo ṃōn kōppād eo?
2. Ta eo ej kōjepel kōj jān Anij?
3. Ta eo ear waḷok ñan katiin eo ke Jisōs ear mej ioon debwāāl? Etke?

4. Pilawā eo ioon tebōl eo ear jutak kōn ta?
5. Jikin lamp eo ear jutak kōn ta?
6. Lokatok in kaijurjur eo ear jutak kōn ta?
7. Jāpe in aṃwin ear jutak kōn ta?
8. Lokatok in katok ear jutak kōn ta?
9. Wōn ear maroñ deļoñ ilo jikin kwōjarjar otem kwōjarjar?
10. Ke ear deļoñ, ear aikuḡ in wor ta ippān?
11. Ewi wāween ad keidi jermal an Jisōs ñan jermal an pris eo eļap?
12. Ta eo e maroñ juļok bōd ko ad?